

ADOLF



HITLER


1889-1945



- **Adolf Hitler** naceu en 1889 en Braunau am Inn, no **Imperio austrohúngaro**. O seu pai, Alois Hitler, era un funcionario de alfándegas, e a súa nai, Klara Pölzl, ama de casa.
- A súa infancia estivo marcada polos malos tratos do pai, as mudanzas frecuentes e o crecente desinterese pola escola, que abandonou sen terminar os seus estudos secundarios.
- Adolf, que desexaba ser **pintor**, tivo que enfrontar a oposición do seu pai, que prefería a administración pública.

- Tras a morte dos seus pais, Hitler mudouse a **Viena**, onde **non** logrou ingresar nin na **Academia de Belas Artes** nin na Facultade de Arquitectura.
- Durante o primeiro ano de estadía na capital gastou todo o diñeiro que herdara da súa familia, polo que tivo que deambular por **albergues** para **indixentes** e **comedores populares**.
- Esa vida miserable non o volveu máis sensible cara aos máis humildes, senón que forxou nel unha **visión darwiniana** da vida na que **só sobrevivían os máis fortes**.






- Unha tía prestoulle diñeiro, que Hitler usou para comprar materiais cos que pintou escenas da vida cotiá. Grazas á venda das súas **acuarelas**, conseguiu diñeiro para subsistir, aínda que tamén tivo que traballar varrendo as rúas e de obreiro da construción.
- Durante a súa estadía en Viena leu gran cantidade de libros sobre historia e mitoloxía xermana, polo que desenvolveu unha obsesión polos relatos sobre as **orixes do pobo alemán**. Así se transformou nun **nacionalista panxermano** que **odiaba a diversidade étnica de Austria-Hungría**.




- En **1913** fuxiu a **Múnic** para non ter que prestar o servizo militar. Pero ao desencadearse a **Primeira Guerra Mundial**, enrolouse como voluntario nas **filas alemás**. Sen traballo, familia, nin amigos, atopou no exército unha comunidade ordenada que lle deu sentido á súa vida.
- A valentía coa que serviu de estafeta na fronte occidental fíxolle gañar un ascenso a cabo e dúas condecoracións coa cruz de ferro.
- Tras a derrota dos Imperios Centrais, acusou os políticos de traizoar a Alemaña por aceptar as condicións do **Tratado de Versalles**, que xulgaba humillantes.

- En **1919**, Hitler foi enviado polos seus superiores para **espiar** as actividades do **Partido Obreiro Alemán**, que tiña a súa sede en Múnic.
- Nese pequeno grupo de conspiradores, atopou a oportunidade que buscaba de destacarse e iniciar un camiño cara ao poder, polo que **renunciou ao exército e uniuse ao partido**, no que foi ascendendo ata ser o seu máximo dirixente.
- Hitler cambioulle o nome polo de **Partido Nacional Socialista Obreiro Alemán** e dotouno dunha ideoloxía **antisemita, antiliberal e anticomunista**, afín á do fascismo italiano.






- En **1923** encabezou un errado **golpe de estado**, tras o cal terminou en **prisión**. Alí escribiu ***A miña Loita***, no que plasmou a súa ideoloxía e trazou un curso de acción para asegurar a supremacía da raza aria.
- Ao saír do cárcere, reflatou o Partido Nacional Socialista e rodeouse de homes como Rudolf **Hess**, Heinrich **Himmler**, Hermann **Goering** e Joseph **Goebbels**, que lle axudaron a darlle forma ao **nazismo**.
- A partir de **1930** as **dificultades económicas** nas que se atopaba Alemaña proporcionáronlle un **auditorio** crecente entre millóns de desocupados que se deixaron seducir polas promesas de grandeza e por un aparato de bandeiras, uniformes con correaxes e saúdos militares.



- En **1933**, tras adoptar a nacionalidade alemá e obter máis de **13 millóns de votos**, foi nomeado **chanceler** polo presidente Paul von Hindenburg.
- Desde esa posición de poder, clausurou o Parlamento e instaurou unha **ditadura de partido único** que o converteu no líder indiscutido do **Terceiro Reich**.



- A partir de **1935 rearmou Alemaña** e modernizou as forzas armadas. Así reactivou a industria, reduciu o desemprego e deixou atrás a depresión económica.
- O ideal de unir nun mesmo Estado a todos os alemáns encamiñou os esforzos de Hitler cara á **anexión de Austria e Checoslovaquia**, que foi consentida por Francia e Gran Bretaña.
- Pero a invasión de **Polonia** desencadeou a **Segunda Guerra Mundial**, cuxa primeira fase deu a Hitler o **control de case toda Europa**.



- A súa estrela comezou a declinar cando en **1941** lanzou a **invasión de Rusia**, motivado tanto pola súa ideoloxía anticomunista como pola necesidade de conquistar un espazo vital que permitise o desenvolvemento de Alemaña.
- A partir da **batalla de Stalingrado**, as forzas soviéticas comezaron unha contraofensiva que non se detería ata chegar ás portas de Berlín. Furioso polos sucesivos reveses, Hitler destituíu a xenerais que tachaba de inútiles e asumiu a planificación persoal de todas as operacións militares.





- Prevendo o imminente desastre, varios oficiais organizaron **atentados** contra a súa vida en **1943** e **1944**, dos cales saíu ileso.
- Hitler **suicidouse** o **30 de abril de 1945**, durante a **batalla de Berlín**. O seu corpo e o da súa esposa, Eva Braun, foron levados do **búnker** aos xardíns da Chancelería, e os seus restos foron botados ao lume.
- Os **soviéticos** lograron recuperar os restos queimados e enterráronos nun lugar secreto. En **1970** foron exhumados e incinerados e as cinzas dispersadas ao vento.

